

EXERCITATIO POLITICA
DE
CIVE ET CIVITATE
IN GENERE CON-
SIDERATA

Q V A M

Aspirante Divino Numine

SUB PRAESIDIO

Viri Amplissimi atq. Clarissimi

HERMANNI CONRINGII,

Philos ac Medicinæ Doctoris, hujusq; & Po-
litices in Academia Iulia Professoris Celeberrimi, S,

R. Majest. Sveciæ & Illustrissimi Comitis Ostfrisiæ

Consiliarij intimi & Archiatri

Domini Præceptoris ac Promotoris sui

æternum venerandi

Publicæ disquisitioni subjicit

AVGVSTVS MILAGIVS

HALBERSTADIENSIS.



HELMESTADII

Typis HENNINGI MÜLLERI Acad. typ.

clō lōc lili.

CIVIL SERVICE
IN OREGON


1894
JAN 1 1894
JAN 1 1894
JAN 1 1894
JAN 1 1894

HERMAN CONNINGER
JAN 1 1894
JAN 1 1894
JAN 1 1894
JAN 1 1894

AVGUSTUS WILSON
JAN 1 1894
JAN 1 1894
JAN 1 1894
JAN 1 1894



THE STATE OF OREGON
JAN 1 1894
JAN 1 1894
JAN 1 1894
JAN 1 1894



THESIS I.

Quemadmodum omni illi, qui de Republica ejusque speciebus dextre atque ordine disputare velit, necessario incumbit, aliquam de civitate ejusque natura præmittere tractationem, ita & nobis ingenij exercendi causa de civitate, quod bene vertat Deus, acturis in civis ipsius essentiam fuerit inquirendum, siquidem & vestigia nostri Aristotelis hanc consequentiam *s. Polit. 1.* initio nectentis, & methodum ejus *ὁπρὸς τὴν* sequi velimus, qui satis graves causas sui reddit instituti. Cum enim in ipsa de civitate tractatione frequentes de civibus incidant controversiæ, quumque civis definitionem civitatis ingrediatur, utique nec hæc accuratè constitui, nec illæ commodè componi, nisi perspecta civis natura possunt.

II. Quoniam vero vocabuli civis ambiguitas dotis paciter ac indoctis jam tum ab Aristotelis ævo imposuit, & hodiernum multis erroribus facem ac occasionem præbuit, de tollenda ea ante erimus solliciti, quam ad extruendam civis definitionem (à qua omnis de re aliqua suscepta institutio proficisci debet *Cic. lib. 1. de offic.*) nos accingamus.

III. Primò autem civis nomine vulgò venit omnis subditus : Quo spectant ij, qui civem per subjectionem definiunt, ut Bodinus *1. de Republ. 6.* & alij. Qui in duplici errore nobis versari videntur, cum quod hoc modo in ci-

vium numerum inquilinos & servos (quos utique subditos esse frustra quis negaverit) etiam referant, tum quod non satis civitatis naturam percipiant, unde cives appellationem nanciscuntur. Civitas scil. non denotat quamvis multitudinem hominum, sed societatem quandam, cujus partes essentielles sunt cives. Iam vero non omnis qui vivit in civitate aliqua statim & socius revera est, aut societatis particeps, nisi per improprie vocem societatis usurpes.

IV. Secundò nonnunquam ij tantummodò cives appellantur, vel appellari volunt, qui ex utroque parente cive progenerati sunt, sed jus civitatis ab ava quoque & proavo repetere possunt: Qui ceteros Patre tantum vel Matre cive ortos nothos appellant. Hæc significatio Athenis annitente Pericle ita invaluerat, ut in jus paulatim verteretur, & spurij loco, (referente Plutarcho in *Themistocle*) esset, qui ex alterutro tantum parente cive nasceretur: quam legem non tantum Aristot. noster 3. *Polit. c. 1.* unâ cum Gorgiæ objectione, egregie refutat, sed & ante eum occasione ejusdem Periclis, abolitam fuisse memorat in vita ejus Plutarchus. Hujus enim unicum filium ex muliere externâ susceptum nomine Paterno in curia censi senatus jussit. Et vero quæstio est politica num qui alterutro Parente duntaxat nati sunt cives, in civium numero haberi debeant, nec ne: cur item aliquis omnino peregrinus debeat admitti? Soletque decidi ex usu reipublicæ ejusvis, quarum alij atque alij hoc vel illud convenit: nec enim in his aliquid est, quod perpetuo & in omnibus civitatibus habeat locum.

V. Tertiò denique civis nomen usurpare possunt pueri ex Patre cive nati, senes item depontani, & ij, qui ad certum tempus ex civitate relegati sunt 3. *Polit. c. 1.* Sed quum

quum omnibus pro tempore facultas suffragij ferendi & judicij administrandi desit, liquido patet, eos non ἀπλῶς, sed secundum quid civium mereri nomen. Pueri scil. quod quando per ætatem licebit, jam actu sint socij: senes quod fuerint & sola ætate reddantur inhabiles: exules item quod cum jus civitatis habeant, in pœnam careant. Honorarij vero cives tam longe à natura veri civis absunt, quam quondam is, qui odore carniū pascébatur, à carnibus ipsis. Qui autem præter hos nobis jam recensitos, hoc nomine vulgo veniunt (ut, v. g. οἱ δὲ πρὸ τῶν συμβόλων κοινοῦντες) eos quia una litura è catalogo civium delet Philosophus citato sæpius cap. 1. Idcirco nobis hic licebit esse brevioribus. Hac illa vocis hujus insignis ambiguitas in causa procul dubio fuit, quare à multis hodiernis Politices scriptoribus essentia veri civis non indagata, aut extranea ferme admisceantur, aut vero cives cum municipibus mire confundantur. Quod admiratione non egere ait Besoldus 1. Polit. XI. §. 1. quum quilibet se ad normam suæ civitatis, vel usitatæ etiam loquendi consuetudinis accommodet. Nunc postquam vocem ab ambiguitate, quantum instituto nostro sufficere arbitramur, liberavimus, ad indaganda ea, in quibus essentia civis consistit, duce eodem Aristotele perrecturi sumus.

VI. Sicuti autem in omni in universum societate, is socij demum appellationem meretur, qui salutem societatis per se promovere velit & possit, (quod exemplo à navigantibus petito ostendit Aristoteles 3. Polit. c. 3.) ita nemo in τελειοτάτην illam κοινωνίαν, (uti in simili re à minori ad majus argumentatur Philosophus 1. Polit. 2.) admitti debet, qui tali facultate destituatur, qua finem civitati propositum pro viribus possit adjuvare. Quamvis autem bene multa sint, quæ partibus civitatis hic incumbant,

bant, eorum tamen summagenera ex Philosopho exhibemus, cujus præclara verba & ad nostrum propositum congrue accommodata ex 4. Polit. 14. non possum quin adscribam. *Tres autem sunt omnes Rerump. partes, inquit, quibus præclare constitutis necesse est & ejus species eo ipso inter se dividi, quo singula hæ partes differunt. Atque ex his tribus partibus una quidem versatur in publicarum deliberationum facultate: Secunda in magistratibus: Tertia in iudiciis.*

VII. Tametsi vero primam istam partem, i. e. facultatem dextre de rebus communibus deliberandi in cive suo expresse requirere non videtur Aristoteles: id tamen nondum incertitudinis cujusdam istud, ex quo civis definitionem jam tradituri sumus, fundamentum arguit; nam voce *δέξιος*, qua Aristot. in definitione civis jam utitur, non magistratus tantum, sed & jus suffragia ferendi designari, Piccartius & Giphanius existimant. Quamvis non desint, qui voce *νεώτερος* hanc deliberandi potestatem comprehendi volunt.

IIIX. Cum itaque jam ea à nobis sint exposita, quarum respectu quis maxime finem civilis societatis participat, non ultra dubitamus civem cum Aristotele definire: *ὁ τῆς νεώτερος καὶ δέξιος μετέχων*, socium civitatis, qui imperij & judiciorum civitatis istius particeps est vel esse potest. 3. Polit. 1. & 8. Hac semper observata proportionem ut is magis vel minus civis dicatur, qui magis minusve de fine civitatis participat. Quia enim imperium, suffragia & judicia in rebus publicis usque adeo variant, ut inde tot diversæ oriuntur species, quid mirum fuerit, si hæc definitio omnibus civitatum socijs ex æquo accommodari nequeat, in qua Philosopho ad potissimum analogatum respiciendum fuit, (est enim civis è numero eorum, quæ dicuntur ab uno) quando ipse monet 1. Polit. 3. perfectissimum

mum quodque in suo genere definiendum esse, quod inferiora magis minusve Participent. Ad hæc veri civis essentialia respexit Homerus, quando Achillem de injuria sibi ab Agamemnone illata sic conquerentem inducit Iliad. 9.

Μήσμεν ὡς μ' αἰσώφηνον ἐν Ἀργείοισιν ἔρεξεν
 Ἀργείδης, ὥσπερ τιν' ἀπύμνητον μεταίωσθη.

Scilicet argumentatur is à posteriori, quod, quoniam sibi nullus ad honores aditus pateret, civis quoque loco non haberetur. Conveniunt quoque nobiscum omnes ij Doctissimi Viri, qui Venetijs solos Patritios, in Polonia solos Nobiles cives esse volunt.

IX. His ita recte intellectis facillimo negotio occurri potest Ioanni Bodino, qui definitionem nostram ex hoc capite rejicit, quod stante ea subditis hoc modo è civitate sublatis magistratus officium insuper eludatur. Ad quod enim, inquit, pertinebit iussus magistratus, si omnes cives ipsi sunt magistratus participes? Clarissimus Arnisæus ad infirmandum Bodini argumentum ait, Aristotelem loqui de cive reip. potestati nondum subjecto, qui æquali etiamnum jure cum reliquis civibus gaudeat. Quæ ut maximè ita se habeant, nos tamen aliunde quam ex ipsomet Arist. responsionem ad tam clumbe Bodini argumentum minime petemus.

X. Primo enim quod supponit iste, hac posita definitione subditos è civitate tolli, id nos pernegamus, quia non ilico ipso actu gerit magistratum & judicijs præest, qui facultate ejusmodi munia obeundi est instructus. Neque enim omnes una his officijs præesse possunt, sed requiruntur, ut idem (si aptus imperio civili esse velit) parere quoque didicerit. Hinc est, quod Aristoteles civem 3. Polit. 3. definiat *μετέχοντι τῷ ἀρχεῖν καὶ ἀρχιθεῖν*, imperandi &

paren-

parendi virtute præditum. Præclare, ut solet, M. Tullius l. 3. de L.L. *Non solum magistratibus præscribendus est imperandi modus, sed & civibus obtemperandi. Nam & qui bene imperat, paruerit aliquando necesse est, & qui modeste paret, videtur, qui aliquando impares, dignus esset.* In Regno certe aut tyrannide, ut & in Aristocratijs nihil causæ habet, cur timeat de minuendo subditorum numero Bodinus, cum unus in ijs vel paucissimi tantum facultatem suffragij ferendij & judicandi explicare queant. In statu vero populari & Democratia, quibus principaliter nostra definitio competit, alternant parentium (uti diximus) imperantiumque officia, nec imperandi facultate, sed certis quibusdam signis, & coercendi potestate subditi ab imperantibus distinguuntur. *Polit. ult.* Adeo ut hic quoque timore isto nos liberatos esse videamus. Non dicam jam, quod numerum subditorum augeat inquilinorum & opificum multitudo, ex quibus illi quidem subditi, cives vero non sunt, hi vero partim cives sunt, partim non, uti è seqq. apparebit.

XI. Quæ alias de Atheniensibus à jure suffragiorum exclusis subiicit Bodinus, ea quum doctissime à Piccarto, Arnisæo *Polit. c. 6.* & Besoldo *1. Polit. c. XI.* sint confutata, huc transferbere superfluum demus. De falsitate definitionis Bodini, qua civem per liberum hominem potestatiæ licetæ subiectum definit, demonstranda magnopere non laboramus, sed ad ea, quæ porro faciunt ad vindicandam nostræ definitionis veritatem progrediemur.

XII. Iudiciorum autem (i. civem nostrum volumus esse participem) ut de privatis & publicis causis jus reddere possit, *Polit. c. 10. l. 1.* Circa hæc enim officia iudicium veritari non Aristoteli *Polit. VII. Judicia*, inquit, publica in unaqueque Regum consuetudine, quæ privatorum lites decidunt, & scelera

scelera publica puniant, & provinciarum seu partium Regni lites inter se dirimant. Non autem audimus eos, quos atas Aristorelis tulit, qui juris dicendi facultate instructo nomen magistratus non convenire, & hac de causa hoc munus nequicquam ad essentiam civitatis facere arbitrabantur.

3. *Polir. l.* Etenim, quocunque tandem nomine designes judicem, historię certę documenta nobis certissima exhibent, magni ab omni aeo habitum judicum in Rep. munus, neglectumque judiciorum rep. in extrema pericula conjicere posse, ut adeo vel hoc uno nomine, si maxime magistratus nomen minus recte ijs competat, ad constituendam civis definitionem merito assumi, debeat juris dicendi facultas. Deinde, quod caput est responsionis nostrę, id, ex quo hanc consequentiam deducunt (nimirum iudices nihil cum officio magistratus habere commune) evidenti falsitate laborat; Ficti enim ferme non potest, ut iudex omni omnino coercendi vi penitus destituatur; nam cui jurisdictio data est, eidem quoque ea concessa esse videntur, sine quibus jurisdictio commode explicari nequit *l. 2. de jurisdict.* Quin in Romana Rep. jurisdictio jure magistratus competebat; unde manus militaris, & mandata jurisdict. (mandare autem eam non poterat, nisi qui jure magistratus habebat) in jure fit inentio, de quo late *Sarholius l. esset. de jurisdict.*

XII. Quando (2) civem ex imperio aestimari volumus, mixtum (liteat nobis distinctionem Romanis usitatam ad nostrum institutum transferre) non tantum, sed etiam merum imperium designamus. Illud enim civis nostri officium exhaustire nequit, cum nudę tantum jurisdictioni videatur inservire: *Sarh. de jurisdict. rh. 238.* Si verò id mirum alicui videri possit, quod id, quod summa potestas sibi soli reservat, omnibus civibus commune esse

dicamus, is attendat, nos hic considerare civem nondum summæ potestati subditum, & qui & ipse aliquando summæ istius potestatis particeps fieri possit. Sic & majestati soli competit, ordinare magistratus & judicia, attamen propterea non sequitur, hæc duo ad civis essentiam necessario non requiri. Attendat porro civem nobis maxime in Democratia & statu populari constitutum definitum fuisse, in quibus Rerump. speciebus omnino per est necessarium, uti cives hac imperandi facultate sint aliquatenus instructi. Denique advertendum est, nos non à singulis civibus exercitium meri imperij exigere, sed facultatem illam atque illud jus quo aptus est, ad id, sicubi occasio ferat, capessendum,

XIV. Ius denique (3) suffragiorum civi nostro ascribimus, sive id τῆς κτίσεως, sive cum Piccarto τῆς δέχῃ complectaris. Est autem id usque adeo proprium veri civis πολιτῆρος, ut officio suo nullo modo defungi dextre possit, nisi deliberationibus & suffragijs ferendis adhibeatur. Evincimus id hoc argumento : Quicumque salutem civitatis ope consilioque pro viribus juvare tenetur, is ad suffragia in magni momenti negotijs admitti debet. Atqui omnes cives, E. Quomodo enim suppetias feret Reip. qui morbos ejusdem ignorat ? Et quomodo quis membrum societatis audiret, qui ad sententiam de rebus ad societatem pertinentibus dicendam non adhiberetur ? Sane plebs Romana, antequam ad suffragia & honores admitteretur, conqueritur, sibi nec in consortio, nec societate Reip. esse licere apud Livium VI. Cap. 37. Quod tamen cum dicimus, non ita accipi sententiam nostram volumus, quasi omnes cives de quibuslibet negotijs ferre suffragia deberent, (hoc enim & immensum laborem, & liberalius, quam in quosvis promiscue cadit, otium exigit)

git) sed potest à civibus in quibusdam (minoris præfer-
tim momenti) negotijs aliquibus potestas definiendi &
decidendi committi, quia autoritate armati universum
populum repræsentant. Omnes autem ij Doctissimi Viri,
qui suffragiorum jura à civibus abesse posse existimant,
videntur non tam rem ipsam, & definiti ab Aristotele civis
perfectionem, quam mores Romanæ Reip. spectasse, in qua
multi civitatem, sed sine suffragio sunt adepti. Gell. 16 c.
13. Liv. Cic. passim. Accidit nempe frequenter, ut à splen-
dore & magnitudine Reip. Romanæ deceptis mores ejus-
dem pro communibus & universalibus præceptis vendi-
tentur. De tribus autem his essentialibus notis latius & di-
stincte agentem vide Philosophum 4. *Polit. c. 14. 15. 16.*

XV. His ita positis, manifestum (opinor) erit, pri-
mo quibus de causis Aristotelis noster civem in statu po-
pulari & Democratia maxime definitum esse affirmet, ni-
mirum non tam, quod optima Respublica, si introduci
posset, popularis futura esset, (hoc enim ad Democra-
tiam applicari nequit per ea, quæ contra Platonem di-
sputat Philosophus 4. *Polit. c. 2.*) sed quia in his speciebus
nihil ferme, quod alicujus est momenti, definiri solet, ni-
si sciente & approbante multitudine. In alijs autem Re-
busp. necessitate tantum postulante conciones indicun-
tur, ac paucissimi ad suffragia de re communi ferenda ad-
mittuntur, uno vel oppido paucis Remp. occupantibus.
In hanc sententiam Cicero civem definit, quod sit, *qui non
potest pati eam in sua civitate potentiam, quæ supra leges esse
velit.* Quæ certe definitio omnium optimæ statui popu-
lari & Democratijs applicatur. In tyrannide enim, re-
gno & Oligarchijs legum claustra facillime perrumpunt
summæ potestates.

XVI. Secundo: in quantum variæ vocis hujus si-

gnificationes supra nobis recensitæ à genuina nostra abe-
ant, & quare factitijs, infamibus, inquilinis, pueris & de-
crepitis nostram definitionem minime dixerimus con-
venire. Argumentum evidens est, majorem scilicet tibi per-
petuo ipsa definitio civis suppeditat, sub qua si subsumse-
ris servos, inquilinos &c. omnibus sententiæ nostræ ratio
abundè constabit. Illud tamen inter eos, quos jam mo-
do exclusimus, discrimen existit, quod factitijs, pueris &
senibus, etsi πρώτος quidem ac per se cives appellari ne-
queant, non tamen intrinsicè aliquod vitium inhære-
at, sed illis quidem novitas, (quemadmodum Cicero à
Sallustio novus homo vocatur) posterioribus utrisque
vero ætas obstat, quo minus imperium & judiciorum po-
testas illis communicetur, vel communicari possit. Reli-
qui autem, ut infames, exilio perpetuo multati, alio vitio
laborant, quod ipsis spem capeffendorum istiusmodi ho-
norum fere penitus adimit. Servorum paulo post men-
tionem faciemus, quando de modis, quibus quis jura ci-
vitatatis consequitur, acturi sumus. Illi vero, qui jura vocan-
di civem in judicium, & coram iudice comparendi per
fœdera sibi acquisiverunt, sita nimirum τὰ σύμβολα plerū-
que interpretantur, idcirco veri cives non sunt, quia unus
duarum civitatum verus & omni modo propriè ita dictus
civis esse non potest. Quum enim civis omnem operam,
cogitationes, bona, ipsum denique sanguinem in usum ci-
vitatæ suæ convertere vijuramenti, & omnis inter homi-
nès iuxta societatis exemplo teneatur, qui quæso id dua-
bus civitatibus revera distinguis, sibi que non subordina-
tis, in solidum præstabit? Præsertim cum facillime eve-
niat ut civitatès illæ vel dissideant in ipso scopo, vel ita
collinent in unum scopum, ut studia in diversa uno con-
traria rapiantur. Iure Romano certe in aliam civitatem

rece-

receptus amittabat Romanam; *Cic. pro Cæsina*, adeo ut
Atticus beneficio civitatis Atheniensium uti noluerit.
Carn. Nepos in Vit. Att. ne iacturam Romanæ faceret civi-
tatis. In qua usu receptum insuper erat, ut jus civitatis
consecuturus fortunas suas Romanam transferre fuerit co-
actus. Quod vero idem Cicero *2. de LL.* duplicem sibi
patriam esse affirmat, unam loci, in qua genitus, alteram
juris, in quam translatus sit, id nostram thesin nullo mo-
do convellit. Is enim non de duabus specie distinctis
civitatibus loquitur, sed de Arpino & Roma simul, quæ
omnes etiam colonias & municipia ambitu suo comple-
ctebatur; Erat enim Roma communis omnium municipi-
um Patria *l. 33. ad munic.* Neque id alio sensu acci-
piendum fuit, quam si nos pro juris Patria Remp. Germani-
cam, pro loci vero patriam municipium hoc aut illud ag-
noscamus, cum tamen revera illud municipium in civi-
tate Germanorum contineatur.

XVII. Hoc loco, quamvis extra propositum nostrum
sit, annotari fortassis meretur, quod, cum nostra Resp. in
tot tamque diversas partes sit discerpta, & jus temporari-
um præfecturarum in *autonegotias* ferme abjicerit, adeoque
quilibet principatus singularem, propemodum civitatem
constituat (vid. Bachov. in Treutl. *Vol. 1. disp. 3. th. 6. Lit. E.*
& citatum ab illo Andr. Knichen *de jure territ. c. 1. n. 65.*)
magis proprie subditi alicujus territorij, ejusdem quo-
que cives vocentur, dummodo facultate consultandi, ju-
dicandi & magistratus gerendi in isto territorio polleant;
Magis, inquam, proprie quam usu Romanæ vel Græca-
rum civitatum, quæ omnia municipia & provincias sibi
subordinatas habebant, ita ut non nisi magistratus in pro-
vincijs earum ditioni subiectis domo missi jus civitatis
participarent, nec præfecturas in *autonegotias* transire pa-

ciebantur, existimantes cum Seneca, *nihil tam utile esse, quam brevem potestatem*, quæ magna sit. Quæ an ita se habeant, nos hoc loco non disceptamus, quo maturius ad ea, quæ ex definitione nostra deduci possunt, revertamur.

XIIX. Pendet autem ex ea Tertio decisio variorum, quas c. 1. & 3. movit, quæstionum (1) An Servi & peregrini a Clisthene in numerum civium asciti iusti cives sint, necne? Quod quia aliquam dubitationem in animo legentis forsitan excitare possit, secundum mentem Philosophi breviter dissolvemus. Distinguit autem is inter non iustum & iniustum; Et iniustos quidem eos cives non esse affirmat, propterea quod ab eo, qui tum ad clavum Reipublicæ sedebat, in civium numerum aggregati erant, adeoque bono nitebantur initio Non iustos autē recte vocari, quia ijs nondum fuissent instructi dotibus, quæ cives ad munus hoc tuendum idoneos reddunt. Ea quippe adhuc agunt, quæ cives illegitimi, & nullo bono titulo nixi. Hæc autem distinctio inter iniustas & non iustas actiones cum adducitur ab Arist. *5. Eth. 1.* tum exemplis de LL. *πῶς & ἀπλῶς* iustis, & actionibus, quas ignorantes & propter ignorantiam exercemus, illustratur ab eodem *3. Ethic. 1.* Cui plane geminum est, quod *L. 11. de iust. & iur.* Paulus respondet: prætorem etiam tum ius dicere, cum inique decernit. Scilicet facit is quidem, quod iniusti faciunt, verum quoniam à summa potestate Prætor constitutus est, iniustum eum, & latus ab eo sententias iniustas appellare nefas est.

XIX. (2) Quid inter virum bonum & civem bonum discriminis intersit? Nimirum civis bonus est, qui facultate iudicia & magistratus administrandi, & suffragia de summa Reip. bene ferendi est instructus. At vero vir
bonus

bonusest, qui munus suum proprium (secundum quod
quilibet bonus vel malus, prout in eo vel præstat vel defi-
cit, prædicatur,) i. e. virtutis actus bene potest exercere.
Equidem & possunt hæc in unum idemque subjectum ca-
dere, & optime nobiscum, rebusque Christianorum pu-
blicis ageretur, si ij, qui civium bonorum & verorum lau-
dem præ alijs affectant, ad virtutem etiam, & eam quæ vir-
tutum merces est, gloriam serio aspirarent. Tenendum
id autem contra eos qui eos demum curandæ & admini-
strandæ rei communi aptos censent, qui ipsam pietatem &
morum honestatem insuper, fas & nefas juxta habent,
dummodo se hac ratione boni civis officio præclare fun-
ctos glorientur : Quod pestilens dogma eximis funda-
mentis convellitur ab Excellentissimo Domino Præfide in
*lib. de Civili prudent. cap. 2. & Hug. Grotio in aurea præfat. libro
de jur. bell. & pac. præmissa.*

XX. (3) An opifices recte civibus annumerentur?
quam quæstionem quia late pertractat Arist. 3. *Polit. 3. &
7. Polit. 8.* nos summa tantum capita paucis attingemus.
Et quidem hoc in universum certum est, quod opifices, cu-
juscunque sint generis, salutem civitatis si non alia qua-
piam re, saltem numero (ut Plutarchus agebat) juvent: At-
tamen obinde pars civitatis cujuscunque non sunt. Non
enim procedit, inquit Philosophus 7. *Polit. c. 8.* in hac ma-
jori consequentia: sine quibus Civitas consistere nequit,
ea sunt pars civitatis. Distinguendum igitur primo lo-
co nobis esse videtur inter opifices liberales & illiberales.
Illiberales, (*βαναύρος* Aristoteles vocat,) simpliciter exclu-
dimus, quia dum singulis diebus manibus suis victum si-
bi parare tenentur, rei publ. salutem parcius curare, nec
inter tam sordidas artes animos ad nobilissimam hanc cu-
ram attollere & elevare possunt; Multo vero minus ma-
gistra-

gistratibus gerendis & deliberationibus instituendis erunt idonei. Liberales vero opifices, (~~et~~ *ex* *viras* dixerimus) poterunt sibi aliquam consultandi atque judicandi facultatem parare, quo civium munera obire, ac magistratus (comprimis in statu populari & Democraticis, in quibus census est mediocris,) capeßere queant. Quæ etsi ita se habeant, notat tamen Arist. 3. *Polit.* 3. plerumque hos opifices vano civis nomine laetari, atque hoc quasi deliramento à rebus novandis averti. Ad extremum sciendum est, olim in Græcis & Romanâ Rebus publ. quaestione hujus usum exiguum, difficultatem pene nullam extitisse, quoniam vicem opificum tum temporis servi aut peregrini, aut summum liberti plerumque obire, uti autor est Plut. in *Lyc.* Dionys. Halicar. lib. 9. Unde non est, quod mireremur, si omnem de hac quaestione Aristotelis nostri disputationem eo tendere deprehendamus, quo opificibus jus civitatis penitus abjudicet.

XXI. Incidit hic quaestio, satis difficilis, & à paucis hætenus agitata: An civis alterius populi judicio à sua civitate permissus, jura suæ civitatis retineat nec ne? Et negativam quidem valde probabilem facit (1) Quod civitas eum, quem hoc modo judicandum alijs permittit, sua societate velit ejectum, præsertim cum ipsamet aliquin poenas de eo sumere possit; ubicunque enim aliquis dedit petitur, tum optio civitati relinquatur aut puniendi sup. civem aut vero puniendum dedendi. (2) Quod infames, quales esse præsumuntur, qui tam graviter civitatem aliquam læsere, ut eos sibi dedit postulet, vel Aristotele teste civium numero, quinime censeantur. Verum enim verò istæ rationes rem nondum conscriunt, & nos non prius de hac quaestione mentem nostram aperire poterimus, quam duos distinxerimus casus. Primo

an populus iste, cui reus deditus est, cum receperit ple-
dendum, an verò suæ civitati (uti Posthumio Samnitibus
dedito contigisse Liv: memorat *lib. IX. cap. 10. 11.*) restituat.
Deinde, an delictum in populum deditionem poscentem
ipso jure, an sententia demum interpositâ infamet. Qui-
bus ita suppositis sententiam nostram his assertionibus
includimus. *Una* est; si populus iste civem sibi permis-
sum receperit, tum nulla habita ratione delicti, ab alien-
natur jure civium, & postea aliquo casu reversus novo
beneficio ad consequenda civitatis jura indiget. Idque
probat ratio supra allata prima. *Alter*a. Si populus uti
noluerit permessa sibi ple&endi potestate, & delictum in-
famix poenâ lege expressa non coërceatur, tunc retinet
tamdiu jura civitatis donec civitas eum societate inter-
posita judicis sententia excluderit. Ratio hæc est, si enim
de infamia non nisi per judicis demum sententiam defi-
nitivam constat, utique restitutus is pristinx famæ vide-
tur, quamdiu civitas eum per judicem societate noneje-
cerit. Interim tamen liberum est civitati arbitrium, cum
vel poena afficiendi vel absolvendi. Et per hanc assertio-
nem restringitur ratio negativam tuentium postrema. *Ter-
tia*: si delictum ipso jure infamet, tum etsi populus læsus
remittat injuriâ sibi illatam, nihilominus is eo loco cen-
setur, quo infames *3. Pol. 1.* Aristot. habet, nempe civita-
tis membrum tamdiu esse desinit, donec restituatur. V.
hic M. Grotium *de jur. bel. & pac. lib. 2. cap. XXI. §. 4.* ex quo
fundamenta hujus quæstionis depromsimus, & de infa-
mia, quam lex & judex irrogant VVesemb. *Parat. de his quæ
not. inf. §. 6.*

XXII. Quæstiones alias, quæ occasione harum ab
Interpp. magno conatu agitantur, data opera præteri-
mus, & antequam ad alterum disputationis nostræ mem-
C
brum

brum tranſeamus, modis, quibus quis in civilem illam ſocietatem aſciſcitur, enarrandis paululum immorabimur. Etenim ſi ijs, quos primitus mutui ſubſidij neceſſitas & amor vitæ beatæ conjunxit, vita pedetentim fuſſis, civitas novis & ſuccreſcentibus membris redintegrari debet, utique hoc ſaltem nōmine non indigna citi trāſtatio, quæ hoc loco à nobis inferatur. Quatquā́m autem modi iſti pro diverſitate rerump. varient, noſ tamen de ijs afferendis tantū ſolliciti erimus, qui majorem cum ipſa natura civitatum, & Gentium jure convenientiam habere videbuntur, quorum in univverſum tres reperire licet.

XXIII. Primus iſque præcipuus eſt Nativitas: Quū́ enim liberi juxta Ariſt. *2. Ethic. 12.* ſint pars Parentum, omnesque exteros amore erga Patriam ſuperare credantur, merito ex Parentum perſona juſ civitatis ſortiuntur communi Gentium more, & præſenti civitatis commodo. Nam eos præ alijs ſolemus ſocietati aſcribere, de quorum erga ſocietatem ſtudio ac favōre nobis certo conſtat. Ideoque ijs gentibus, qui ſingularem nominis gloriam affectant, accurate obſervatum fuit, ut nullos niſi ex cive natos civitate donarent. Athenienſes ſuos hoc nomine prædicat *αὐτόχθονας*. Iſocr. *in Paneg.* (quā́quam alij per *αὐτόχθονας* indigenas illos, quos è terra hinc inde prognatos vulgari errore credebatur, intelligant) Vlpianus in *l. 1. ad municip.* nativitatem primum acquirendæ civitatis modum facit, Noſtros quoque Majores minime aliarum gentium adventibus & hoſpitijſ mixtos fuiſſe aſſeverat Tacitus *lib. de mor. Germ. cap. 2.* Duo autem nobis ad diſtinctam hujus rei cognitionem tradenda ſuperant (1) Requirit, ut nati infantis Pater civis fuerit: Quoniam enim juſ omne liberi hoc caſu ex perſona Patris nanciſcun-

ciscantur, non potest in Filium aliquid juris derivari, quod
 in Parente non erat. Mater vero jus civitatis in liberos
 transferre non potest, nam etsi Matris quoque pars libe-
 ri recte vocentur, tamen in civilibus Patrem tanquam di-
 gniores sequuntur, id quod jure Romano satis constat
 ex *l. 19. de stat. hom.* Deinde, si è matris quoque persona
 jus civitatis in liberos transferretur, utique facillimo ne-
 gotio contingere posset, ut quis duarum diversarum ci-
 vitatum civis existeret, quod, ut *ib. 16.* annotavimus, veri
 civis officio & civili cum primis societati, ad quam omnes
 fere civium actiones referri posse Grotius docet *de jur.*
bell. & pac. lib. 11. c. 5. §. 23., adversatur. Plane quemad-
 modum in diversis rebus publ. à jure naturæ & Gentium,
 vel per determinationem, vel non assistentiam LL. civili-
 um receditur. Vid. Ampliss. Dn. D. Hahnium in *observ. ad*
VVesemb. de just. & jur. num. XV. ita & multo magis non ob-
 stante communi hac consuetudine, uxoribus interdum
 jure civili hoc beneficium concedi potest, quod Ponticis
 competere refert Celsus, ut qui matre Pontica natus es-
 set, sit Ponticus *l. 1. §. 1. ad munic.* Quando vero Patrem
 civem esse volumus, eo ipso eorum refellimus opinionem,
 qui commorationi vel domicilio Patris tantundem effi-
 cacie in tribuendis civium juribus assignant, quod nimis
 absurdum est: Qui enim filius membrum esset societatis
 alicujus propter Patrem, cujus ipse socius non sit? Huc
 dubio procul respexit Eduardus I. Angliæ Rex, qui VVal-
 lis natos extra fines suos Principes detrectantibus, uxo-
 rem prægnantem in VVallia fines duxit, ut futurum Re-
 gionis Principem in ipsa regione eniteretur Arnif. *relect.*
Polit. lib. 1. cap. 5. sect. 10. n. 4. (2) Tenendum est, quod na-
 tivitas quanquam modus sit tribuendi civitatem præstan-
 tissimus, non tamen statim in locum & jus Parentum re-

cens natum infantem plene & simpliciter sufficiat: Cui-
cunque enim adempta est potestas tractandi ea, quæ ad es-
sentiam civis debent concurrere, is *ἀπὸ* civis appellari
nequit. Atqui infantibus & pueris in tenera ætate est
adempta. E. ij nequeunt &c. Aristoteli cives imperfec-
ti dicuntur 3. *Pol. 1. & 1. Pol. 8.* Illud vero spatium, intra
quod ejusmodi puer ad maturitatem judicij pervenire
potest, plerumque certo annorum numero in bene con-
stitutis Rebus publ. definiri solet: Etiam si enim fortassis
unus & alter velocitate ingenij ætatem ipsam transgre-
diatur, tamen ad præcavendas æmulationes, & tollen-
dam è Republ. invidiam satius visum fuit, omnibus pro-
miscue certum fixumque tempus statuere, ne adolescen-
tes, qui in optimam partem cognoscuntur, stupiditatem
ingenij tam gravi atque manifesto dedecore luere cogan-
tur. Athenis cives hi imperfecti ad civilia munera prius
non admittebantur, quam nomen apud populares tabu-
lis Lexiarchicis professi essent, Romæ verò, cum togam
virilem sumsisissent. Et hæc de primo modo, per quem
civitas obtineri potest, quo solo utuntur Patritij Veneri,
cujus rei causam copiose describit Machiavell. discurs.
lib. 1. cap. 6. Alibi hujusmodi cives Hybridæ dicuntur,
Kirchn. *disp. Pol. XV.*

XXIV. Operæ pretium fuerit, si quæstionem hæc ad-
miscamus non plane sterilem, an civem hujusmodi Ori-
ginarium (de adoptato enim, cum tam arcto vinculo non
teneatur, res multum dubitationis non habet) in aliam
civitatem commigraturum invitum civitas retinere pos-
sit? Et pro affirmativa quidem militat amor partim Pa-
triæ, quæ maximam ortus nostri partem sibi vendicat.
Partim, quod novæ civitati fidem nemo possit dare, quam
prior civitas non remiserit, quodque à contractu perfectio

& consummato refilire invita altera parte non liceat. At
tamen, si quaestionem non quidem ad Romanæ Reipubl.
LL. (quibus cives injussu Principis Italia excedere pro-
hibebantur) sed naturæ & Gentium jura examinaveri-
mus, contrariam sententiam tuebimur, servaturi regulam
naturalis æquitatis, ut liceat civi indicto prius habitu alio
migrare, dummodo id civitati nullum periculum vel da-
mnum creet, aut minetur. Argumenta pro altera sen-
tentia quod attinet, ea non sunt tanti ponderis, ut evin-
tant, quod illi volunt. Etenim istud quod quilibet bonus
civis se non sibi tantum, sed Patriæ etiam natum memi-
nisse debeat, non impedit, quo minus sine incommodo
Patriæ tuam conditionem meliorem reddere possis, quin
ad id te lex Dei & naturæ instigat. Sed in eo Patriæ amor
subsistit, ut si tua & publica salus in pari discrimine ver-
setur, tu vilijus amoris hanc tuæ anteponas. Vnde tum
dum argumentum primum efficacè est, quum civis dis-
cessurus proponitur, quando civitatis, eum non discede-
re, ullo modo interest. Quæ ultimo loco de obstricta fi-
de & contractuum natura afferebantur, ea omne punctum
non ferunt. Nam primo, cum tacito consensu hæc so-
cietas inita & nullis expressis regulis firmata sit, hanc sem-
per adjunctam habere conditionem præsumitur, ut in tuo
arbitrio positum sit, abire societate, vel in eadem perma-
nere, maxime, si finem, ob quem te cœtui cuidam aggre-
gasti, aut plane non, aut vero in alia aliqua civitate recti-
us obtinere licet: Id quod nec à jure civili abhorret,
quod renunciationi non fraudulentæ favet §. 4. *Inst. de*
soc. in societatibus, quæ omnium maxime pro fundamen-
to amicitiam habent. Hæc tamen ubique cautio adhi-
benda est, ne ex habitu illo in discrimen salus publica ad-
ducatur; Veluti belli & obsidionis temporibus, aut cum

tributum publicum ex solvendum est. Et hinc quoque sponte sua ruit altera de obligata fide objectio, quia enim jam consensus & finis, ob quem meam fidem obligavi, quique in moralibus jus facit, cessat, utique dicemus, te non teneri amplius, postquam membrum civitatis esse desisti. Renunciatione autem non fraudulenta id factum fuisse jam planum fecimus. Advertendum hic est, questioni huic locum non esse, ubi civitas edocta de abitu sui membri fortunae ei exportari permiserit, nam tum tacitus ejus consensus praesumetur, & res omni difficultate carebit. Gregatim vero discedere nullo modo licet, alioquin brevi societas civilis interiret. V. de hac quaest. H. Grot. *de jure bel. & pac. lib. 7. cap. 7. §. 24.* & Arniseum, qui dum contrariam sententiam acriter tuetur, ad instituta Romanæ Reipubl. delabitur.

XXV. Alter, isque paulo imperfectior modus est Cooptatio: Quando enim res alicujus civitatis ita sunt comparatae, ut ad sui defensionem magno civium numero indigeat, merito Romanorum vestigijs insistit, quorum conditor Romulus, ut apud Tacit: *Ann. 11. cap. 24. vers. 7.* Claudius agebat, tantum sapientia valuit, ut plebsque populos eodem die hostes, deinde cives habuerit. Quod si Ciceronis judicio standum nobis esset, mature cooptatos nostros cives subduceremus: Is enim *lib. 3. offic.* usum quidem civitatis concedit peregrinis, at civitate ex sententia Crassi & Scævolæ prohibet. At cum idem *2. de LL.* Patriam vocitet, & illam, qua nati, & illam qua excepti sumus, parum ab eo nobis periculi impendebit, praesertim, quoniam Tullium etiam nostrum *novum hominem* Sallustius appellat, qui tamen civitatem sibi ad tempus ademptam satis ægre tulit. Plusculum vero negotij facessit nobis ipse Philosophus, qui fictitios cives sua definit

definit. non vult comprehensos, dum 3. *Pol. 1. ait*: Missos igitur faciamus eos, qui (quamvis alia ratione hanc appellationem nacti sint) facti sunt & ascripti cives. Verum enimvero, cum idem Aristot. *in fin. ejusdem cap.* ad scitos & Clisthene cives pro civibus justis habeat, dummodo imperij & judiciorum possint esse participes, verba ejus alio sensu accipi commodè possunt. Nim. Aristot. non absolute, sed comparatè ad cives *αὐτοχθόνων*, qui majoris fortassis sunt dignationis, loqui, vel se ad perfectos, & morum institutorumque civitatis probe gnaros referre. Idque est, quod in bene constitutis Rebus publ. ad cooptationem primum accedere solet temporis quædam mora, intra quam instituta Reipubl. perdiscere, & se dignos gerendis olim honoribus & suffragijs ferendis efficere queant, plane eodem modo, quo pueris etiam certum annorum numerum præfinitum fuisse *ih. præced.* annotavimus. Tandem nec nos inficias ibimus, Philosophum uti alibi, ita hic quoque in extruenda civis definitione formas Græcorum, & præcipue Atheniensis civitatis attendisse (statum enim popularem non obscure pro perfectissima & optimâ, quam *lib. 7. & 8.* describere incepit Republ. agnoscit) quæ cum semel legitimo civium numero instructa esset, non temere extraneos asciscere, & civitate donare ex usu & consuetudine plerarumque Democratiarum, consueverat, idque ut obiter hîc immiscebimus, ratione non caret.

XXVI. Nam (1) ad Democratiâs constituendas undique hominès spe libertatis, interdum & licentiæ allecti confluunt, ut proinde procedente tempore ad sui suorumque defensionem extraneis non æque indigeant. (2) Pluris faciunt suam Remp. in qua honores & dignitates plerisque communicantur, quam ut extraneos quosque
ejus

ejus participes esse velint, quod una nos civitas Corinthi-
orum docere potest, quorum legati quum Alexandro M.
jus civitatis obiulissent, ridentem hoc officij genus Re-
gem masculine in hunc modum sunt allocuti : *Nulli civi-
tatem alij unquam dedimus, quam sibi & Herculi, Sen. de benef.
l. 1. cap. 13.* Sic Romani quoque cives se ad Deorum im-
mortalium numen quam proxime accedere arbitraban-
tur, adeo usque, ut nec amplissimum Galliae civem cum in-
fimo Quiritium compararent, teste pro Rab. Cicerone.
(3) Denique, quod ingentes facilis illa alienigenarum co-
optatio in Democratijs & Politijs excitet turbas : Cujus
rei ratio longe petenda non est. Etenim si tu diversae na-
tionis indolisque cives in tuam Remp. transtuleris, caute
profecto opus est, ne insuetus libertati & licentiae animus
tam splendida occasione ad res novandas, & quaevis mo-
lienda instigetur. Quantum enim intersit, quem animū
ac affectionem natiuitate & bona educatione instillatam
ad Remp. afferas, id praeter alios egregie pro more demon-
strat Aristot. 8. Polit. 1. his verbis : *ad quamque Remp. sua
administratio est dirigenda, quum sui quamque mores & tueri,
& ab initio fundare soleant, b. e. populares mores Remp. popula-
rem, & paucorum potentiam, qui huic generi sunt accommodati,*
Quum autem per cooptationem diversimodè educati in
unam civitatem facillime convenient, non potest non in-
de ipsi Reip. aliquid periculi suboriri.

XXVII. Maxime autem in Democratijs ex coopta-
tione civium periculum metuendum est duabus potissi-
mum de causis. (1) Quod majores in praedictis rebusp,
stimulos libertas addat, ad quos in tyrannorum, & Oli-
garchicorum imperio contenti subditi aspirare nequeunt
(2) Vehementer timendum est, ne populi libidinem per-
tasi & ejus libertati insidiantes optimates (quibus magna
domi

dominandi cupiditas, nec minor spes inest imperij consequendi) favorem *perit*, atque hinc præclaram rei turbandæ occasionem capient. Romana certe civitas incrementum suum debet Sabinis, nec quicquam felicitatem ejus impedit, quamdiu sub Regum imperio res stetit. Postquam vero ad Democratiam delapsa esset, non inter minimas pereuntis civitatis causas promiscua hæc provincialium & frequens turba à sapientioribus computatur. Quæ de causa Cic. 1. Phil. ridet Casarem, quod non singulis hominibus, sed integris nationibus civitatem assignarit. Ex Augustus succensebat Antonio, quod Siculis civitatem dedisset Svet. in vit. ejus. Hæc autem ideo attulimus, ut pateret, quare th. 20. dixerimus, Aristot. ad morem Atheniensis civitatis respexisse, cum factiis jus civitatis abrogavit. Neque enim eorum sententiæ possumus suffragari, qui, ut hanc difficultatem declinent factitiorum nomine honorarios venire asseverant, qui tam longe à verorum civium natura abeunt, ut tenacem alioquin verborum Aristotelem mentionem eorundem fecisse parum nobis fiat verisimile. Hæc omnia autem, quæ de hoc civitatem obtinendi modo dicta sunt, hæc egent cautione, ne dignis pariter ac indignis civitas prostituatur, neque nimis multi extranei allegantur, multo minus quibusdam subsidij invitentur, *Arnif. Polis. VI. Besold.*
1. cap. XI.

XXIX. Tertius obtinendæ civitatis modus est Manumissio, quæ ad servos, quemadmodum cooptatio ad extraneos refertur. Nos hic breviter fundamenta ejus indicabimus, quoniam ea, quæ de manumissionibus constituta sunt, Icti, occasione ex Romanorum manumissione arrepta, copiose exequuntur. Dnobis autem modis accidit, ut, quis per manumissionem jus civitatis acquirat (1)

secundum naturam : Quando homines ingenio imbecilles & corpore robusti sibi quid usui sit futurum ignorant, ac idcirco pro subsidijs vitæ necessarijs se alijs vegetioris ingenij mancipientes, jam cura dominorum rectoris rationis usum magis magisque edocti è servitute hac dimittuntur, quam secundum naturam Arist. vocat. *1. Πολιτ. 1.* Τὸ μὲν γὰρ δυνάμενον, αἶτ, τῇ διανοίᾳ πεπορεῖν, ἀρχὸν φύσει &c. Τὸ δὲ δυνάμενον ταῦτα ποιεῖν, δεχόμενον καὶ φύσει δέλλον. Διὸ δεσπότη καὶ δάλω τὰυτό συμφέρεται. Quantumvis enim libertas natura competat hominibus, id tamen intelligendum est de jure naturæ omne factum humanum præcedente, & de libertate κατ' ἐξέχου, h. e. quod jure naturæ nulla sit servitus; non de libertate κατ' ἐναντιότητα, h. e. non quod is jus habeat, ne unquam serviat. Ita recte Ioh. Faber in §. jus autem Gent. n. 13. *de jure*, inquit, *natura omnes nascebantur liberi, non quod jus naturale hoc disponderet, sed quia illo jure non erat servitus.* Alioquin divino & G. jure non liceret hominem in servitutem redigere, quod falsum esse vel unius Onesimi exemplum, & Pauli monitum 1 Cor. vii. vers. 21. *vocatus es ad servitutem, id te non cruciet, testatur, An vero integri populi inventi olim fuerint, in quos tam insignis stupiditas ceciderit, de eo merito cum Grotio & Bachovio in insit. dubitare licet. Et vero Americanos, quos tales esse patrum memoria acriter propugnavit Ioannes Sepulveda Hispanus, longe alio ingenio fuisse, præclare ostenderunt, cum alij, tum imprimis opere de Natural. & moral. Historia Americanorum Iosephus Acosta. (2)* Altera species manumissionis fundatur in eo jure, quo bella & captivitates introductæ sunt, h. e. Gentium *l. 1. de just. & jur.* Huic contraria servitus procul omni dubio naturæ instituto, quod bella etiam & distinctiones dominorum ignorabat, repugnat. Licet enim ij, qui bello superio-

res

rēs sunt, excellere re aliqua victos soleant (unde Aristot.
1. *Polis.* 4. ex aliorum opinioneratiocinatur. εἰς τὸ ἀνὰ τὸ κερ-
τὴν οὐ ὑπερχῆ ἀγαθὸν πρῶτον) non raro tamen id fallit si ἀπλῶς
& ex vero rem consideres, quia plerumque præstantes in-
genio Viri ab alijs vel ob multitudinem, vel meliorem
rerum bellicarum scientiam vincuntur. Oportet autem
insigne aliquod manumittendi meritum in Dominum ex-
tare, si civitatem consecuturus sit : Nam ordinarie, & si
vim vocis spectes, nihil manumissione restituitur præter
libertatem servitute ablatam, cui addere jus civitatis ma-
gis est beneficium, ab eo qui summæ rerum præest de-
pendens.

XXIX. Hæc ita reputanti facillimum erit judicare,
(ut hoc obiter liceat hoc etsi alieno loco inferere) qui
hodie in Imperio nostro Romano Germanico civium no-
men ac dignitatem tueantur. Certe non omnes ij, qui
vulgo cives audiunt, & à suffragijs ferendis interim lon-
gissime remouentur, sed status ac ordines Imperij, penes
quos est potestas de ijs consultandi, quæ summam Rcip.
concernunt, & honores in nostra Rep. gerunt amplissimos.
Nec vero *l. 17. de statu hom.* temere nos à sententia nostra
dimovebit, cum ea locutio multis de causis cum ambigua
& hyperbolica, tum nostræ disputationi minime congrua
videatur. Etenim citato loco ejusmodi civis certe non
intelligitur, quem nos *ib. s.* definiuimus : Minime gen-
tium. Nam versa in tyrannidem Romana Rep. tantum ab-
sue, ut provinciales etiam jura civium sortiti fuerint, ut
qui veri etiam præseis temporibus cives fuerant, digni-
tatem hanc cum jure suffragiorum penitus amisc-
rint. Non est igitur, quod mirum alicui videatur, quod
tam facilem se in exæquandis provincialibus præbuerit

Antoninus, cum parum adhuc prerogativa, & per consequens veteris, inter jus civitatis consecutos, & reliquos provinciales discriminis superesset. Quin & insigne tyrannidis fulcrum esse, depressis optimatibus (qui naris plerumq; sunt emundioris) promiscuæ turbæ spem libertatis ostendere, jam dudum ante Antonium Philosophus noster *5. Polit. XI.* clare docuit.

XXX. Et hæc erant, quibus via ad secundum disputationis nostræ membrum ex mente & methodo Philosophi sub initio indicata munienda erat. Eiusdem nunc spicilegia lecturi, pauca de civitate etiam disputabimus, consideraturi. (1) Quid sit civitas? (2) Quomodo coeperit? (3) Quæ jura habeat In cives? Immediatè enim Aristoteles explicatæ civis definitioni hæc verba subnectit: *πάλιν δὲ, τὸ τῶν πολιτῶν (πολιτῶν) πλῆθος ἰκανὸν πρὸς ἀντιρρήσιν ζῶης, ὡς ἀπλῶς ἱκανόν*: hoc est. *Civitatem vero salutarium multitudinem, cui ad vitæ usus necessarii saria suppetat, ut summatis dicam.* Quæ definitio utrum naturam civitatis sic satis exprimat, & an eadem perfectior in opere Politico extet, plenius deinde exsequemur, ubi eam, quæ se hîc offert, non vulgarem civitatis ambiguitatem expediverimus. Quod etiam hîc ab Arist. factum non deprehendamus, (notavit autem id alibi, & nominatim etiam *3. Polit. 2.* civitatem multifariam dici confiteretur) omitti tamen à nobis sine ingenti totius tractationis confusione nequit, præsertim cum & doctos cæteroquin Viros in eo lapsos fuisse, alijs sit observatum.

XXXI. Primo autem civitas pro urbe accipi usque adeo frequenter solet, ut non tantum, quæ urbis sunt, civitati, sed & quæ civitatis sunt, urbi passim à multis assignata videamus, non secus, atque hodie Ecclesiæ vox pro templo interdum accipi consuevit. Sic Virgilius urbi tri-

tribuit somnium & crapulam. Et è regione Ictus *in l. 27. Quib. mod. ususfr. an. aratum* in civitatem induci ait, quod non civitas, sed urbs passa erat. Hæc autem significatio quemadmodum à mente omnium saniorum Politicorum aliena est, ita merito discrimen hoc loco inter civitatem & urbem constituendum fuerit, quod in ijs, ne in re manifesta prolixi simus, consistit. (1) Quod civitas illæsa urbe, & urbs illæsa civitate interire queat, cuius rei exempla abunde historiæ suppeditant. (2) Quod civitas ut plurimum unius urbis fines longe excedat, & una sæpenumero eademque sit civitas, quæ tamen per multas situ disjunctas urbes sit dispersa. Neque enim continuatæ domus, & mœnia finitima, quæ urbem terminant, in civitate semper requiruntur. Apposite Cicero *1. de Rep. Quum locis manug. sepsissent ejusmodi sectorum conjunctionem, oppidum vel urbem* appellarunt, *delubris distinctam, spatiisq. communibus. Omnis autem populus, qui est talis multitudinis cæsus, qualem expressui, civitas est.*

XXXII. Altera eaque usitatissima civitatis significatio est, quæ pro Rep. eandem usurpant, plane eundem ad modum, quo Græcis interdum πόλις & πολιτεία idem denotat. Quo sensu non à Thoma Aquinate tantum, *principalisimum eorum, quæ humanâ ratione constitui possunt*, definitur, sed etiam ab omnibus ijs, qui inter civem & subditum non recte distinguunt, accipitur. Accurate autem Aristoteles noster hæc duo inter se distinxit, cum quod utrisque diversas definitiones adhibuerit, tum quod Remp. vocarit ordinem *3. Polit. 4.* & animam civitatis *4. Polit. 3.* Et vero in genere, ubicunque est totum aliquod congregativum, quod ex multis conjungitur (in quorum numero Aristoteles & civitatem ponit *3. Polit. 1.*) unitatem habent à forma conjungente, ut numeri & voces in concentu : Sicut

jam humerus alius est ab harmonia, personæ à choris, ita oportet Remp. quæ est concentus & ordo civitatis, ab ipsa civitate distinctam esse, ut ait Arniseus *Relect. Polit. l. 1. c. V. Sect. 3. n. 10.*

XXXIII. Tertia significatio (alias enim minus usitata silentio transmittimus) huius loci propria est, secundum quam civitatem esse statuimus subiectum, quod nondum quidem ea continet, quæ per formam superadduntur, sed ijs tamen subordinatur, eodem modo, quo se anima rationis particeps ad virtutes habet, quibus perficitur & finem suum obtinet. Hoc tamen notatu dignum est, Aristotelem in definitione civitatis *1. Polit. 2.* tradita videri magis abducere animum ab omni potestate, legibus, jurisdictione & cæteris Reip. partibus, adeoque magis tertiam hanc vocis significationem attendisse; quam *3. Polit. 1.* ubi definit eam per multitudinem civium imperij & judicij participum, quæ nomina jam tum aliquod præsupponunt imperium & judicia, quæ tamen non nisi Reip. sunt annexa. Atque hoc vult Piccartus, quando in excerpti *cap. 1.* inquit, Aristoteli *1. Polit. 2.* Civitatem magis cum respectu ad materialia ejus principia fuisse definitam, *3. vero Polit. 1.* cum respectu ad formalia ejusdem principia, quæ sunt homines magistratus participes. Etsi vero hæc ita distinguantur, tamen, cum ista civium multitudo ferme absque ordine, adcoque & Rep. ne cogitari quidem, nedum subsistere possit, ideo de nominibus tam solliciti non erimus, dummodo rem satis tradiderimus. Imo ut quod res est dicamus, cum homines non simpliciter quæ sunt homines, sed quatenus sunt idonei regi per magistratus & judicia, sint subiectum sive materia cui pro forma est respublica, liquet prudenter admodum tertio Polit.

liticorum libro ab Aristotele definitionem illam civita-
tis esse constitutam.

XXXIV. Est igitur civitas κοινωνία ἐκ πλειόνων κοινῶν
τίλει, ἥδη πύσης τῆς αὐταρκειᾶς πύρας ἔχουσα, γονομένη μὲν ἐν ἑ
ῶν ἑταίρων, ὅπου ἔ' ἰσὺ ἑν, i. e. *Societas ex pluribus partibus perfecta,*
omnis jam sufficientia finem habens, orta quidem causa vivendi,
permanens autem bene vivendi causa. Quæ definitio ha-
betur Politicorum primo. Quod vero 1. *Oecon.* civita-
tem definiat societatem è multitudine domorum ortam,
ejus causam reddit Piccartus, ne, quum inibi de domorum
cura & Oeconomia agere instituisset, nimis longa subje-
cto discederet.

XXXV. Genus definitionis nostræ est societas. Quod-
cunque enim ex alijs societatibus est compositum, & alia-
rum societatum finis in se continet, id ipsum est societas.
A. civitas. E. est societas. Min. in seqq. confirmabimus.
Societas vero hæc non includit omnium rerum bono-
rumque communionem, quæ potius cum fine nostræ soci-
etatis civilis pugnat, vel cum saltem impedit, sed commu-
nicationem suffragiorum, judiciorum, conjunctam cum
mutua defensione, jure connubiorum alijsque amicitia
officijs, ad quæ non solum alicui, ut vitam, sed & beatam
degit vitam tenemur. Quantum enim amicitia momen-
tum afferat ad id, ut cives magis magisque virtute imbuantur,
id cum alibi, tum omnium optime ostendit Philosophus 8. *Ethic. 1. & 12* ubi, postquam pro necessitate amicitia
ita fuisset argumentatus (quodcunque ad vitam civilem
degendam summopere est necessarium, de eo in *Ethicis* est
agendum. A. amicitia. E.) Minorem, quæ nostram assertio-
nem complectitur, hoc modo per inductionem probat: Si
neque divites, neque pauperes, nec pueri, nec adolescentes,
nec senes, nec Viri feliciter sine amicitia vivere possunt,
utique

utique ea ad vitam civilem degendam est necessaria; Quia omnes in vita civili degentes ad horum aliquod genus referri possunt. Taceo jam, quod omne jus (cujus in civitate usus est longe maximus) in societate consistat *s. Esbie. p.* ut adeo civitatem societatem quandam esse fateri oporteat, siquidem in ea juri concedere locum velimus. Parum & vero genere abludit idem Philosophus *s. Polit. 1.* quando eam per multitudinem civium, seu hominum judiciorum suffragiorumq; participum definit. Similiter Augustinus, qui, *2. de civitate Dei c. 21.* eam appellat cœtum juris consensu & utilitatis communione sociatum, quia nihilominus restringit genus remotum ad societatem aliquam, cujus membra ad commune civitatis bonum suas actiones dirigunt, quum re communi florentē res privatorum quoque bene se habeant.

XXXVI. Hæc societas ex pluribus pagis seu vicis (non enim moramur eos, quos inter Besoldus *1. Polit. XII. n. 52.* qui persuadere nobis conantur, vicum latine nunquam pro aliquot inter se conjunctis ædificijs, sed tantum via publica ædificijs utrinq; cincta usurpāri) ortum immediate trahit. Vicia autem cum duorum sint generum, alij quidem primæ ac simplicis formæ; quando una familia ita augetur, ut vicum constituere possit, alij mixtæ, quando videlicet è varijs locis homines nullo alioquin naturali vinculo sibi obstricti, tanto numero habitandi gratia conveniunt, ut vicum constituent, ex utriusque generis vicis civitatem constare posse censemus. Cum enim primitus homines in tugurijs atque etiam antris habitarent, & jura quisq; natis daret & uxoribus, congregarenturq;, prout eos vel animi libido ferebat, vel commoditas aliqua, utilitasq; communis conciliabat, *Buchan. in Dial. de jur. regn. ap. Scor.* postmodum ad supplendam vitæ indigentiam, & vitam

vitam feliciorē diffusiori societate opus sibi fore censebant mortales, & natura quadantenus stimulante in unum cœtum frequentes coibant. Vnde non suffragamur ijs, qui causam initæ eximiæ hujus societatis vel ad metum potentæ lubricinisque tyrannicæ, vel alia mortalium scelera solummodo referunt : Hoc siquidem posito necessario sequeretur, homines si in statu integritatis permanissent, nullam inter se societatem habituros fuisse; vide *Disp. de Urbib. Germ.* sub præsidio Excellentissimi Domini Præsid. habitam *th. 10. ad 15.* quanquam inficias non eamus, easdem causas instinctum illum naturalem, qui in homine jam erat, magis excitasse,

XXXVII. Antequam vero ad alia transeamus, duo nobis notanda veniunt. (1.) Rectius Aristotelem ex pagis five familijs constare civitatem velle, quam hominibus, quia cives non tam homines simpliciter, quam Patres familias esse intelliguntur. (2.) Aristotelem, qui *3. Polit. 6.* & passim alibi in cohabitatione seu communione locorum civitatem minimè consistere docuit, nihilominus sibi constare, tametsi hîc plurium pagorum conjunctionem ad civitatem constituendam requirat. Nam nec hîc per viros simpliciter ædificia, sed ipsas simul familias vicis comprehensas intelligit, quod ex *3. Polit. c. 6.* liquido patet, ubi civitatem describit, *πόλις ἐστὶν ἡ γὰρ ἡ καὶ κοινῇ κοινωνία*: *Civitas est societas familiarum & virorum.* Deinde non negat Aristoteles *supra citato cap. 6.* cohabitationem & communionem loci ad civitatem requiri, quin id diserte affirmat, siquidem civitas ad perfectam ac abunde instructam vitam commode consequendam contendere velit: sed disputat contra eos, qui in cōmunionē loci summum civitatis apicem consistere arbitrabantur. Adeoque ad id quidem, uti civitas vivat, & beate vivat, omnino cohabitatione

ne civium opus est, vel certe nimis longum locorum interval-
lum finem civitatis impedit. Id quod ex eo Aristote-
les probat, quod per hanc cohabitationem amicitia inter
cives, quæ congressu, sacrificijs, affinitatibus, sodalitijs &c.,
æstimatur, rectius alitur, ac indigentia melius succurritur,
et si fortassis unius atque alterius civis absentia mul-
tum in commodi non afferat. Rursus vero certum est,
civitatem unam eandemque longa terrarum spatia posse
compecti, atque adeo finem civitatis primum non esse
communione arctioris cujusdam loci, multo minus po-
ssit cohabitatione civitatem statim poni, vel jus civitatis.
Vnde fortassis mentem Aristotelis non satis assequuntur,
qui τὴν κοινότητα vertunt vicinitates, quasi è vicinitate ultimus
civitatis finis penderet.

XXXIIX. Quæ jam de orru civitatis ex pluribus pa-
gis sive familijs diximus, ea de prima & naturali civitatis
alicujus constitutione intelligenda veniunt. Alioquin
enim ex historijs compertum habemus, uno quasi mo-
mento civitates quasdam extitisse, quibus non tam mul-
tudo pagorum, & naturalis quidam instinctus, quam sus-
persuus hominum in civitatibus numerus, & ex varijs ac
dispersis familijs congregati homines originem præbue-
runt. Sic Carthaginenses profitebantur se Tyriorum co-
lonos *Curr. lib. 3.* & tamen diversa à Tyriorum civitate, &
sui juris erat civitas Carthagenensis. Ita quoque Parthe-
niati Sparta è diversis familijs prognati in unam societa-
tem occupato Taranto cõierunt nec pluribus pagis, vel
integrjs familijs (de quibus Aristotelis definitio loquitur)
originem suam debuerunt.

XXXIX. Sed audiamus porro Aristotelem duo de
civitate affirmantem: *Unum*, eam *perfectum* esse: Nec im-
merito: Quæcunque enim Societas id conjunctim conti-
net,

net, ob quod omnes aliæ societates contrahuntur, ea est perfectior omnibus. Etenim ex fine perfectionem alicujus rei in artibus & Philosophia Practica metimur. Atqui civitas id, ob quod reliquæ contrahuntur, continet. Quia, quum reliquas societates primas ad indigentiam & imbecillitatem humanam sublevandam unice propemodum institutas reperias, hæc in isto fine nondum acquiescit, sed animo etiam succurrit, eidemque ad perfectionem (quæ in Virtutum exercitio consistit) obtinendam magno est adjumento. Quin, si maxime in pago etiam indigentia succurri potest, civilis tamen societas longe majori copia atque facilitate id assequitur, quod alijs societatibus maximo sumtu majorique labore stetit. Ergo civitas est perfectior omnibus reliquis societatibus. Notanter dico, *reliquis* perfectiorem esse; nam haud raro contingit, ut civitas etiam rerum ad vitam beatamque vitam necessariarum penuria laboret: Nec enim omnis fert omnia tellus, interim hoc sufficit, si & reliquis est perfectior, & præterea aliunde ea liceat importare, quæ præter domi nata & facta ad finem obtinendum desiderat. Ex his quoque satisfit Acciajolo 1. *Poliz.* 2. dubitanti, quæ ratione civitas perfecta vocari queat, quum adhuc à republ. introducenda perfectionem expectet. Nam diverso modo civitas perfecta dicitur. (1) Ea perfectione, quam à se habet. (2) Ea, quæ ipsi à republ. super additur. Nemo enim tantam civitati perfectionem tribuerit, cui non aliquid interventu Reipubl. accedere queat. Sed tum civitas suam perfectionem (de qua jam nobis sermo erat) assecuta est, quum ea in promptu habet, vel aliunde importat, in quibus disponendis, & ad vitam beatam dirigendis dum versatur Reipubl., eam magis magisque perficit. Vel, quod perinde est, civitas ideo in se societatum est perfectissima, quoni-

am etiam ratione sui materialis maxime omnium idonea est
perfectionem summam consequi. Adde quod civitas a
deo à Republ. abstrahi non potuerit, quin in definitione
aliquis ad eam, & speratam exinde perfectionem respectus
includeretur, propterea quod Respubl. non forma tan-
tum, sed & finis sit Reipubl. i. e. ineuntes hanc societatem
statim aliquam sibi propositam habeant Rempubl., oportet,
nisi frustra de obtinendo utroque civitatis fine laborare
velint.

XL. *Alterum est: Civitatem πείρας τῆς ἀνταρκτικής πείρας ἔχειν, omnis sufficientia terminum habere.* Scilicet tantorum
bonorum autor fuit, qui civitates primus instituit. *Pol. 2.*
ut nihil sit, quod ultra civitatem aptius humanis necessi-
tatibus remedium possit. Atque hoc sensu civitatis sum-
mam, siue finem sufficientiæ complecti dicitur, quod in ea
felicitatem humanam terminari oporteat, ita ut, qui ex-
tra eam in his terris aliam quærat, ad divinitatem quan-
dam accedere dicatur Aristoteli *d. cap. 2.* Aut enim ipsa
met ea habet, quibus præsentibus ἀνταρκτικής est civitas, aut ta-
men inter omnes reliquas societates aptissima est ad per-
cipiendam à longinquis terris ea, quibus redditur ἀνταρκτικής.
Ανταρκτικής vero Aristoteles in civitate tantopere necessa-
riam judicat, ut obinde nimiam civitatis parvitatem da-
mnet *7. Polit. c. 4.* ὁμοίως δὲ καὶ πόλις, inquit, ἡ μὲν ἐξ ὀλίγων
στὰς ἀνταρκτικής, ἡ δὲ πόλις ἀνταρκτικής: Civitas ex nimis paucis civi-
bus constans non est sibi sufficiens. Civitas autem est vel esse
debet aliquid sufficiens. Ανταρκτικής autem hic ita interpreta-
mur, ut non tantum designet, civitatem bonis omnibus o-
mnium optime ita esse instructam, ut sibi sufficiens esse
queat: Sed præterea etiam, cum desunt quædam, civita-
tem longe rectius jacturam eorum ferre atque sarcire pos-
se, quam reliquas societates simplices ac compositas. At-
que

que postremo etiā sensu à bonis scriptoribus vox hæc accipi consuevit, & hic ab Aristotele hoc modo sumtam fuisse, exinde recte colligunt Interpretes quod in fine definitionis cautelam quandam adhibuerit, *ὥς τις ἰππὶν*, quæ generaliter dicta restringere solent Philosophi, (latine *per se, ut ita dicam, summam,*) quasi diceret, se hic in summo gradu atque perfectione civitatis definitionem tradidisse, propterea tamen, si forte civitati cuidam quædam eorum non æque adfuerint ex his, quæ in definitione expressa sunt, eidem nomen civitatis ideo negandum non esse. Pertinet huc, quod 7. *Polit. c. 4.* postquam paucitatem civium civitati inutilem fore demonstrasset, magnitudinem itidem & multitudinem nimiam reprehendat hoc argumento: Quod nimis magna civitas *αὐτάρκεια μὲν ἢ ἐκ τῆς ἀναγκαλείας, ὡς τῆς ἰσθμῆς, ἀλλ' ὃ ὡς πᾶσι*. Quæ verba planum faciunt, Philosophum per τῆς αὐτάρκειας non simpliciter quemlibet omnium bonorum cumulum in una civitate requirere, sed cum tamen qui ad vitam civilem est necessarius.

XLI. Nunc ad finem societatis nostræ pergamus quo recte assignato definitio nostra recte se habebit. Is autem duplex est, quorum primus impulit homines magis ad jungendam inter se societatem & ad alterum tanquam ultimum refertur: Alter, societatem facile alioquin interituram simul conservat. Et ille quidem est vivere simpliciter, sive indigentia humana, sub qua & mutua nostri defensio & permutatio comprehenditur. Iste est beate, *ευδαιμονῶς* vivere. Esse vero hanc Aristotelis mentem, nec per ἰὺ ζῆν commodam, sed beatam vitam designari facile ex 3. *Polit. c. 6.* apparet, ubi de Oligarchicorum, & Democraticorum jure disputans tandem in virtute, remotis omnibus cæteris, jus istud collocat. Deinde, quod Politi-

tam cum morali Philosophia tam arde conjuuxerit, ut no-
men etiam Politices eidem sæpe numero tribuerit, hoc
potissimum fine, ut ostenderet, virtutem maxime in civita-
te locum invenire, omnesq; Virtutes in ea illustriores per-
fectioresq; reddi juxta vetus istud; *Magistratus virus ostendit,*
Et vero si civitas societas est omnium perfectissima, non
poterat in simplici vita ultimum suum finem collocare, a-
lias nihil impediret, quo minus & fervorem esset civitas
atque animantium, quibus à natura inditam vim ad se tu-
enda atque sustentanda deprehendimus.

Sentis enim vim quodq; suam, qua possit abuti:

Cornua nota prius vitulo, quam frontibus extant.

Atqui est societas omnium perfectissima, uti supra demon-
stravimus. Ergo non potest ultimum suum finem in sim-
plici vita collocare. Accedit his, quod nec primum finem
diu liceat obtinere, nisi mediante altero: Vnde sic argu-
mentamur. Quicumque in societatem aliquam in multos
annos duraturam coeunt, illi necessario sibi honestam &
felicem vitam debent habere propositam. A. qui civilem
societatem contrahunt, ij incunt societatem in multos an-
nos duraturam. E. Maj: ratio est, quia sola Virtus constans
est & durabilis, reliqua bona omnia aut à fortuna aut ad
exiguum tempus commodata videntur. Maxime vero
omnium vim suam Virtus in societatibus exserit, ut (quod
memorabili latronum exemplo declarat philosophus,) nequeant consistere, nisi virtutem pro ultimo fine habe-
ant, idque in tantum verum est, ut ij etiam, qui virtutem a-
liquin & vitium juxta æstimant, aliquam tamen virtutis
speciem, qua scelera tegant, mentiantur. Minor per se pa-
tet, quia quilibet majori desiderio ad bonum aliquod
constans & durable, quam caducum & fluxum fertur. Vn-
de manifestum est, hoc animo initam fuisse à primis mor-
talibus

talibus hanc societatem ut quam diutissime duraret: Id autem ipsum nemini felicius contingit, quam qui beatam quoque vitam cum primo civitatis fine habuerit conjunctam.

XLII. Quæ cum firmis principiis innitantur, agnoscimus (1) laborare Platonis definitionem, *qui finem civitatis in se ponit, uti communicent præsentem, vicissim alius alij eas res, quibus ad vitam opus est.* Mirum autem id cuivis videri possit, quod Plato *ἡνωμένους καὶ ἄλλος πόλεως* eundem constituat finem, cum ipsemet alias accurate hæc à se invicem distinxerit juxta familiare ipsi & decantatum illud: *facile quidem fore, Virum bonum esse, fieri autem Virum bonum longe esse difficultissimum.* Removemus. (2) Eos, qui finem civitatis in bellica societate vel communibus commerciis positum esse censebant. Nam Tyrrenos inter & Carthaginienses vasto mari disjunctos pacta de commerciis & permutationibus, & bellis mutuis viribus propulsandis intercedebant, nec tamen eos recte unius civitatis cives appellaveris cū, quod diversos habuerint Magistratus ac judicia, tum quod Tyrreni de vitis inter Carthaginienses grassantibus solliciti non erant, nec hi in illorum mores animadvertabant, satis contenti, si sua pactis conventisque fides constaret, cuius postremi argumenti vim ac consequentiam egregie ostendit Philo'soph. 3. Pol. 6. his verbis: *Qui autem de bona civitatis descriptione laborant, de Virtute quoque & vicio civis ut videntur. Quare & intelligitur, civitati, quæ vere hoc homine sit appellanda, non quæ nomine tantum talis est, curam virtutis esse oportere.* Res his argumentis includi potest: Quicunque sunt cives unius civitatis, ij salutem illius civitatis omnibus modis promoveant. A Tyrreni Carthaginiensis civitatis salutem non promoveant &c. E. Min. probatur: Quicunque non curant vitia in Republ. & corruptos civium mores, ij non pro-

promoveant salutem civitatis. A. Tyrreni Carthaginien-
sum, & hi illorum &c. E. Ex iisdem fundamentis refutan-
tur ij, qui jus connubiorum veram communicatæ civita-
tis notam esse existimant.

XLIII. Et hæcenus quidem civitatis definitionem
per singula membra excussimus. Coronidis loco addi-
mus, quod tamen si finis civitatis *γερουσίας* sit vivere simpli-
citer *εὖ*, beate vivere; scopum tamen ratione variarum ci-
vitarum & diversorum, quibus initur civilis societas, mo-
dorum longe esse diversum. Hinc illam videas reliqua-
rum Virtutum incuriosam uni fortitudini, & dilatandis
per eam finibus incumbere, adeoque pro ultimo fine glo-
riam & fortitudinem bellicam habere: Quam ipsam vete-
res Romani usque adeo sectabantur, ut virtutis nomine
κατ' ἐξοχήν fortitudinem intelligerent. Alia rursus divi-
tibus aut voluptatibus studet, prout magis vel minus a vero
fine aberrat. Neque vero exinde imperfectionem defini-
tionis nostræ eviceris; nam Philosophorum est, universa-
les definitiones easque in genere suo perfectissimo concin-
nare, non ad singularia & speciales civitates descendere:
Iam vero talis est civitas ortu suo perfectio, qualem nobis
definitam reliquit Philosophus accuratior omnibus istis,
qui ab universalibus præceptis abeuntes in nescio quam
de Germanorum vel Romanorum civitate doctrinam con-
vertunt Politices disciplinam, & tam arctis finibus inclu-
dunt scientiam augustissimam & maxime *δεξιτεραιονικήν*.

XLIV. Postquam nunc, quantum instituto nostro
satis est, quid sit civitas, explicuimus, quomodo constitu-
atur, paucis videamus, Et quidem non una omnium hæc
de re sententia est. Plato enim ejusque sectatores mero
instituto humano societatem civilem introduci esse as-
seribat, conformiter opinioni quam *ib. 42.* rejecimus, qua
ulti-

ultimum civitatis finem, *ad hunc* simpliciter ponebat. Aristoteli & præclarissimis alijs Politices Scriptoribus nimis humilis, & minime generosus, ut Cic. de Amicit. in simili plane argumento asseverabat, hic ortus videbatur. quapropter primario à natura intendi civitatem existimabat, ita ut reliquæ societates, nomen suum amittant, vel saltem æquivocetucantur, nisi ad societatem civilem constitutendam ordinentur; secundario vero indigentiam humanam causam ejus putabat extitisse, quemadmodum & civitatis primarium finem in naturali & propria hominis perfectione, secundarium vero in commoda vita collocarat. Huic opinioni accessit postea etiam Tullius *lib. 1. de Offic.* ubi in hunc modum contra Platonem disputat: *Nec verum est, inquit, quod dicitur à quibusdam, propter necessitatem vitæ, quod ea, quæ natura desideraret, consequi sine alijs atq; efficere non possemus, idcirco istam esse cum hominibus communisatem & societatem; Quod si omnia nobis, quæ ad victum cultumque pertinent, quasi divina virgula i. e. citra operam nostram suppeditarentur, tum ne (obijcit sibi) optimo quicq; ingenio negotiis omnibus omisiss totum se in cognitione & scientia collocaret? Non est ita, respondet, nam & solitudinem fugeret, & socium studij quæreretur.* Hæc ille.

XLV. Ne vero quem confundat ambiguitas vocis, per naturam hic intelligimus principium illud & causam motus & quietis, de quo in scholis Physicis, non vero jus naturæ: Nam præterquam, quod diversissima sint à natura, & à jure naturæ esse, utique extra omnem controversiam est, civitates juri naturæ esse convenientissimas: Eam enim societatem, quæ amicitiam auget & propagat, jus omne fovet, & denique pro scopo habet beatam vitam, nemo temere à jure naturæ dixerit discrepare. An vero à jure naturæ introducta sit civitas, vel à jure Gentium, id ex deci-

sione propositæ quæstionis apparebit, quam nunc aggredimur.

XLVI. Philosophus ad probandam sententiam suam, civitatem nempe esse à natura, & reliquas societates primas & compositas natura ad civitatem perficiendam ordinatas esse, adducit tale argumentum: Quodcumque ex naturalibus societatibus oritur, illud est naturale. A. civitas oritur ex talibus. E. Min: probat, quia civitas finis est, & perfectio reliquarum societatum. Plato ejusque affectæ provocant ad experientiam, & civitates solo instituto humano affirmant introductas esse: Quod enim, inquit, solis necessitatibus humanis medetur, illud prius nōa est introductum, quam indigentia genus hominum premere cœpit. Hoc enim sic satis instructum erat ab omni fertillium rerum copia, ut civitatibus indigere non videretur. Iam vero civitas solis necessitatibus humanis medetur. Verum hoc assumit Plato quod nondum probavit, quodque ipsi non concedimus, per ea, quæ supra contra hanc sententiam disputavimus. Ut vero etiam appareat, quid veri falsive opinio Aristotelica habeat, tribus assertionibus sententiam nostram proponimus. (1) A natura ita reliquas societates esse productas, ut in subsidium necessitatum humanarum ad perfectissimam & absolutissimam societatem constituendam concurrere deberent: Hoc tamen modo, ut & ipsæ tam diu consistere per se, & usui hominibus esse possent, donec necessitas postularet. Probat hanc assertionem argumentum Aristot. supra allatum. Neq; vero ad id, ut quid à natura constitutum esse dicatur, semper requiritur, uti cum ipso genere humano cœperit, alioquin nec ipsa societas herilis à natura esset, multo minus vicus aut familia. (2) Ideo in primordio rerum civitates à natura introductas non fuisse, quod paucitas humani generis per

per omnes terras dispersa id non admiserit; Deinde, quia
 viventes in pagis ac familijs tum temporis rebus necessa-
 rijs satis abundare, & virtuti quodammodo studere potu-
 erunt. Taceo jam, quod non semper inter sit humana bea-
 titudinis, ut omne omnino virtutis negotium peragatur,
 modo sis paratus, quacunque data occasione ejus nihil in-
 termittere. De hac assertionem Vide Excellentiss. Dn. Præ-
 sidem de Civ. Prud. c. v. late probantem in pagis utrumq;
 civitatis finem sic satis feliciter obtineri potuisse, à primis
 & vetustissimis mortalium, qui nulla adhuc mala libidine,
 sine probro, scelere, eoque sine pœna aut coercitionibus
 agebant *Tac. Ann. 3 c. 26. vers. 1. (3)* Vel hoc tantum sensu
 civitates recte à natura dici constitutas, quod natura sem-
 per tendat ad perfectissimum, adeoq; crescenti indies ho-
 minum generi per civitatem, tanquam perfectissimam so-
 cietatem, consuluerit. Et, nisi valde fallor, ipsemet Arist.
 in ijs verbis, quæ mox huic quæstioni subjungit, *finis namq;
 hac illarum, natura autem est finis & seqq.* per naturam intel-
 ligit perfectionem quandam & finem reliquarum societa-
 tum: Alioquin merito quis dubitaverit cum Montecati-
 no, cur Arist. in his verbis probaverit, civitatem esse natu-
 ram, quum tamen probare debuisset, civitatem à natura
 esse constitutam. Illud postremo tenendum est, quan-
 tumvis civitatem, eo, quo diximus, modo natura fortassis
 intenderit, nihilominus Aristotelem ipsummet alibi fa-
 teri, civitatem originem suam ex indigentia traxisse pro-
 pterea, quod cum civitas constitueretur, & primi Patres
 fam. in unam magnam societatem coirent, multa ab insti-
 tutis humanis acceperint, quæ plerumque indigentia le-
 vanda, non vero æque beatæ vitæ inserviebant.

XLVL Brevibus in hunc modum potest etiam
 quæstio illa solvi, ad naturam humanæ societatis beate in-

stituendæ faciunt alia primario, alia secundario. Etenim Deus condidit homines rectos, probos, simplices, qui, si intra hosce limites sese continuissent, etiam citra magnam aliquam societatem, qualis civilis est, feliciter vivere potuissent. At postquam ab illa primæ vite multum est discessum & homo homini insidiari, uno yim inferre cœpit, ex eo ad vitam felicem ampliori societate opus fuit, qua & vis arceri & cupiditati jam in morem tractæ potuit satis fieri. Itaque relictis vicis & villis civitates eonditæ & habitatæ fuerunt. Verum & hæc quoque felicitati obtinendæ sine discrimine pares non fuere, postquam magno numero homines injuriæ alijs inferendæ causâ in unum coire cœperunt, ut adeo alibi magnæ, alibi parvæ civitates vitam sic satis felicem degere potuerint. Ut concludamus, civilis societas est ex naturæ instituto, & non est: Hoc quidem, si primævos mores spectes, nec enim ij exigunt, ut actû ejusmodi societas ineatur: Istud, si mores attendas posteriorum seculorum, quippe cum vita humana citra civitatem salva amplius esse nequeat.

XLVII. Cognata huic quæstio est, an homo sit animal natura civile, h. e. an homo instinctu naturæ feratur ad societatem civilem colendam? De qua antequam mentem nostram plenius explicemus, duas præmittimus cautiones. Una est: Si maxime homines sunt *ζῷα πολιτικά*, ij tamen qui se certæ alicui civitati non addixerunt, in jus naturæ nihil committunt, nam virtutem humanam supergressi ad naturam Deorum quam proxime accedunt, fatente hoc *c. 2. Aristot.* In hanc classem referendi sunt Anachoretæ, Hefychitæ, quales olim frequentes fuisse notissimum est. Quin & Patriarcharum exempla id confirmant. Sub hanc vero considerationem non cadunt ij, quos feritas immanis, & agrestis s. sylvestris vita ita dele-

& at,

stat, ut propter eam sponte à civili societate se abstineant; hi enim majorem cum belluis, quam hominibus habent affinitatem. Altera. Excusationem etiam mereri eos, qui ante civitates constitutas perfectionem suam naturalem in vicis s. familijs tantum querebant, nam instinctus seu appetitus iste naturalis tantam certe vim non habet, ut per se hominem ad colendam societatem excitare possit, nisi prudentia & ratione perficiatur. Vnde Aristot. *in 2. cap. 2.* postquam à se demonstratum esse dixisset, hominem animal esse natura πολιτικόν, subjungit: *Hac quidem ita se habere, attamen cum magnorum bonorum autorem humano generi extitisse, qui primus civitates instituit*, adeoque (ut Doctiss. Viri Interpretantur) ratione hunc instinctum expleret, & bona ista hominibus ostenderet, ad quæ illi appetitum sibi inditum esse animadverterent. Duce etenim opus erat, ut qui nos, quo natura ferebamur, eodem congregaret.

XLIX. Præmissis istis cautionibus, quæstionem cum Aristot. affirmamus. Is ut probaret principium istud, cui magnam Politices partem superstruxit, ejusmodi adducit citato loco argumentum. Quodcunque animal à natura omnium optima instrumenta ad colendam civilem societatem accepit, illud natura est civile. A. homo accepit. E. Min. probat à concessio sermone, quod etsi alia animalia voce molestum & jucundum significante sint instructa (molesti enim & jucundi sensum habent animalia) solus tamen homo sermone utatur, quo utile & inutile, justum & injustum innuere posset. Idque ut magis illustret, contendit hominem cum animali omnium maxime ad societatem proclivi, apibus scilicet, in quibus simulacra Regis, imperij & institutorum deprehendi Piccartus ibi ex citato

Aldrovando docet. Quibus plane gemina sunt, quæ Cicero l. i. de Offic. tradit: Ut apum, inquit, examina non fingendorum favorum causa congregantur, sed cum congregabilia natura sint, singunt favos, sic homines, ac multo etiam magis natura congregati adhibent agenda cogitandique solertiam. Majorem probat Aristot. quoniam nihil natura facit frustra, hominem autem frustra loquendi facultate fuisse instructum, nisi eo aliquando in civili conversatione uteretur. Verumenimvero Aristotelis argumentum vim dandæ huius non habet. Non enim sequitur: Si homo sermone in civili societate non utitur, utique frustra cum accepit; nam sermo magno usui, etiam in primis societatibus est, & fuit olim patribus, vicatim habitantibus. Nam & in minoribus societatibus utili & inutili, justo atque injusto locus est, adeoque in illis utique reperietur id, quod ad innuenda ista homini natura, vel autor naturæ dedit.

XLIX. Nos igitur aliunde sententiæ nostræ fundamentum, quamvis ex eodem Aristot. nostro petimus, quod, ubi modo ad syllogismi nostri probationem devenimus, dilucidum fiet. In hunc autem modum argumentamur. In quacunque societate homo proprium suum munus omnium optime & commodissime perficere potest, ad eam colendam utique natura ei dedit appetitum. Major hæc innititur huic prosyllogismo: Si natura semper ad rei alicujus perfectionem connititur, utique etiam ad munus proprium rite obeundum stimulabit hominem. A. verum prius. E. & posterius. Minor jam constat experientia, nam natura in rebus naturalibus est & appellatur rerum istarum perfectio, & quamdiu res adhuc suam perfectionem desiderat, tandiu non habet integram istius speciei naturam. Et vero ita
in

in univēsum se res habet, ut natura quidem res perfectas producat, quæ tamen postea labentibus annis & invalecentibus virijs corrumpi, atque à prima eaque naturali perfectione desciscere soleant. Quod ipsum innuit Aristot. 1. Polit. c. 3. ubi ait: *Quod ex natura, magis ex iis spectari debet, quæ secundum naturam sunt effecta, & non ex depravatis.* Iam vero utut alijs à natura id datum negaremus, nobilissimæ certe creaturæ injuriam inferremus, si eam à natura penitus destitutam esse arbitraremur. Nunc ad minorem syllogismi nostri. A. in civili societate homo omnium optimè & commodissime munus suum proprium perficere potest. Ad minoris probationem duo requiruntur (1) ut sciamus, quod sit munus hominis proprium, & (2) An illud in civitate omnium optimè & commodissimè perficere possimus. Est autem munus hominis proprium secundum virtutem vivere, uti peregregie demonstrat Aristot. 1. Eth. 7. Alterum facile per se manifestum est, nam justitia universalis est virtus perfectissima, ea autem ferme in sola civitate locum invenit. Eth. 1. E. ad civilem societatem homini natura indidit appetitum. Eleganter Buchananus in Dial. de jur. Regn. ap. Scot. *Ea est quadam natura vis, non hominibus modo, sed mansuetioribus etiam animantibus indita, ut si maxime absint utilitatis illa blandimenta, tamen cum sui generis animantibus libenter congregentur.* Homini certe à natura hanc vim tam videmus alte impressam, ut si quis omnibus iis rebus abundet, quæ vel ad incolumitatem tuendam, vel ad voluptatem & animorum oblectationem comparata sint, sine hominum commercio vitam sibi insuavem sit existimaturus. Hæc de ista quoque quaestione dicta sunt, & quidem ex Aristotelis potissimum mente: nam accuratius quæ dici possint, facile patet ex thesi XLVI.

L. Superest nunc, ut maximè præcipua quæ adhuc lucis aliquid nostræ disputationi afferre possunt, & quæ vel tetigit Aristoteles, vel vero intacta reliquit, adiciamus: quo si defuncti fuerimus, epilogi vice de utilitate civilis societatis pauca disputabimus. Mover Aristoteles, *Polit. c. 3.* quæstionem, an acta & contractus initi & rep., seu summa majestate, civitatem, pereunte ista Rep. adhuc obligent? ipse autem quæstionem propositam non decidit, quod contra negantes ex ultimis *c. 2.* verbis liquidò ostendimus: habent hæc ita: *εἰ δὲ δικαιοδραλίην (συμβόλαια) ἢ μὴ ἀλάουσιν, ὅταν τις ἐπὶ τῇ μεταβάσει πολιτείας ἢ πόλεως, λόγῳ ἔτιγῃ*: *sic ne justum nec ne, id quod ex conventionione debetur, dissolvere, obligationi quæ contracta satisfacere, cum in aliam remp. civitas transacta sit, non est hujus loci disputare.* Exinde autem quod Aristoteles ipse quæstionem in medio reliquerit, res tota mire & varijs distinctionibus fuit impedita, & nunc magnâ laborat difficultate, ut fermè in ijs, de quibus Aristoteles noster silet, accidere solet, uti aut paucis, aut satis perplexe tradantur.

LI. Nos ne nimis longe à materia nostra abeamus, digitum tantum in quæstionem hanc intendemus. Ad id autem, uti quis hac de quæstione certi quid determinet, necesse est, jura majestatis in populum istum, de quo quæstio est, percallere, & simul generalia ex Aristotele nostro præcepta de differentijs rerump. in genere ac specie cognita habere, atque huic tractationi præmittere. Unde vix fieri potest, uti tu tam late patentem, & pro modo & varietate rerump. diversam disputationem certis regulis includas. Distinguunt quidam, quod si actus utiliter gesti sint, tum pereunte etiam rep. civitatem nihilominus

hilominus teneri si inutiliter nequaquam: Hoc cum sua distinctione l. 2. c. 14. 21. 22. de jur. b. & p. refutat Grotius, & majestatis in administranda rep. potestatem ad naturam negotiorum gestorum exigendam esse negat, duabus de causis (1) quod hac ratione exitus tantum negotij spectetur, qui in rep. propter rerum gestarum magnitudinem & varietatem, propterque humanarum rerum inconstantiam anceps esse potest, quantumvis majestas optimo consilio negotium gesserit (2) quod ipsi reip. esset periculosum, ad tales angustias imperantem redigere, quin ipsis subditis modestum. Vnde in dubio id non sensisse credendus est populus, cum detulit imperium. Quapropter Grotij sententiam amplectimur, qui distinguendum putat, num actus sive contractus summæ potestatis probabilem habeat rationem nec ne. Isto casu ex contractibus istis etiam civitatem teneri, & sive obsit, sive prosit civitati, locum habere illud (salva tamen proportionem) ex l. 14. de pact. *Magistri societatis pactum societati prodesse & obesse.* Hoc casu non obligari civitatem, veluti LL. istæ, quæ aut illicitum quid jubent, aut nimis stultæ & absurdæ sunt, subditos non tenent. Loquitur autem is de jure isto, quod ad naturam & gentium instituta quam proxime accedit, juxta quod populus seu civitas sibi sponte sua summam majestatem imponebat, non vero de tyrannica aliqua majestate, unde ex hac Viri summi decisione de alijs casibus facile est judicare. Potest fortassis etiam paucis in hunc modum questio illa decidi. Contractus aut spectant unice salutem istius Reipublicæ, quæ obtinebat tempore contra-

Aut, aut ad illam plane non pertinent, sed ad alium
quendam usum populi ac Civitatis. Priores ob-
servare non tenetur mutata Respublica. Posterior
res non est fas rescindere; quippe cum tendant ad usum
societatis humanæ universalis, nec dependeant à Re-
publica, quatenus tali, sed à populo, qui manet idem,
mutata quamvis Republica.

LII. Huic quæstioni immiscet aliam Aristoteles
eamque ad prioris quæstionis enodationem aliquid
momenti habere existimat, quemadmodum scilicet
civitas eadem vel non eadem sit dicenda? Philoso-
phus postquam ostendisset, id non identitate loco-
rum, vel hominum metiendum esse, concludit tan-
dem his verbis: *qua si ita se habent, perspicuum est, por-
tere maxime dici eandem civitatem, spectantes remp.*
Quid vero illud est, quod Aristot. alias sollicite distin-
git inter civitatem & remp? Quodque alioquin
Politici inter differentias rep. & civitatis hanc quo-
que ponant, quod pereunte reip. civitas nihilomi-
nus salva & eadem incolumis permanere queat. Sic
civitas Romana primum regis manui obedijt, post
hæc delapsa in Patrum potestatem, qua post longas
contentiones, interjecta Decem virorum Oligarchia,
degeneravit in statum popularem, donec ad principes
solos retraheretur. Accedit, quod si civitas una cum
Rep. interiret, frustra proponeretur quæstio th.
præced. allata. Cum enim mors omnia solvat, quo-
rum opus foret dubitatione an ex partibus & actibus
civitas mortua teneretur? Ex quibus omnibus ap-
paret, ambigua Aristolis verba plane alio sensu à qui-
busdam accepta, quam ab ipso fuere prolata. Quan-
do enim

do enim querit, quemadmodum eadem vel non eadem civitas esse dicatur, & quando responderi id æstimandum, spectando remp. non idem est ac si diceret: eadem manet civitas, quamdiu manet eadem Reip. forma, mutata forma civitas mutatur. Sed distinguit civitates à se invicem per Remp. ut ira sensus verborum iste sit: Civitatum inter sese differentia (ut sc. hæc Oligarchia, illa Democratia appelletur) non ex diversis hominibus aut diversis locis, sed è diversis rebusp. dependet. Arnisi. *reper. Polit. l. c. v. Sect. 3. n. 10. vi. 12.* & Montec. *text. 14. 3. Polit.* Quod si maxime in priorem sensum rapias verba Philosophi, non deest tamen quod excusando ei ex Grotio afferamus, qui cum Aristotelis verba isto sensu acciperet, quem à mente ejus alienum esse jam annotavimus, putat Aristotelem per civitatem hic intelligere relationem partium earum inter se quæ regunt & quæ reguntur, de *Jure b. & p. l. 2. c. 9. n. 8.* quam mutata forma mutari, & percunte perire extra dubium est. Quod suo loco relinquimus.

LIII. Denique non alienum ab instituto nostro fore existimamus si paucula de jure quod competit Civitati in corpus & bona singulorum civium subijciamus. Quoniam vero tam late se diffundit hæc materia, ut prolixos aliorum commentarios meruerit, summa tantum ejus capita recensere bimus. Ac primo quidem civitas in casu necessitatis invitum etiam civem retinere potest. De quo jure dictum nobis est th. 24. contra vero cum abalienate, à se abscindere atque aliorum ditioni permittere videtur minime posse, nam qui in civitatem coeunt, societatem quan-

dam contrahunt perpetuam & voto immortalem, à qua totum partes nequit excludere, cum neque sint sub toto, quemadmodum partes corporis naturalis sub corpore, quæ uti sine vita corporis subsistere non possunt, ita recte etiam in corporis usum abscinduntur. Grotius *de jur. b. p. l. 2. c. 6. n. 4. & 25. n. 3.* ubi cum Soto affirmat, civitatem non posse civem innocentem salvo jure naturæ pro salute sua conservanda in hostium manu tradere, quoniam civis iste in naturali sua libertate adhuc relictus nullius in se imperium agnoscit. Cæterum qui ita differunt, non videntur satis accurate rem definire. Primum enim non attendunt discrimen inter Respublicas heriles & vere civiles. In herilibus enim licere Domino subditum alienare, perinde ac servum aliquem, non est quod dubitemus. Secundo unusquisque civis salutis publicæ obstrictus est vita & fortuna sua, quod si itaque salus publica totius civitatis ita exigat, quid nō liceat civem alienæ tradere potestati, id quod pluribus disputatum est ab Amplissimo Dn. Præsidente *libr. de Finib. Imperii Germanici cap. 19.* Secundo jus competit civitati in civium bona ut ea pignori obligare atque ad communem salutem per leges cumprimis dirigere queant. Tercio in actiones, nulla enim est actio civis, quatenus est civis, quæ non ad societatis usum spectet, aut per consequentiam spectare possit. Etenim omnes cives dum in unam societatem conspirant, unum quid eligere tenentur, ad quod omnes suas actiones conformant, & propter quod in illam societatem convenerunt, id autem est salus publica.

LIII. Restat nunc ultimo loco, ut omittis, quæ
de ma-

de magnitudine, siquē elvitatē alij hoc loco ex
l. 7. Polit. late sed minus recte & inconveniēter tra-
dunt, in viam redeamus ad finem *1. Polit. c. 2.* Vbi cum
Aristoteles innuisset, appetitum à natura inditum non
sufficere, sed duce opus habere, statim bona enume-
rat, quæ ad nos ex constitutione pulcherrimæ societa-
tis redundant, quæ huic argumento includi possunt:
Quicumque lege & iudicio hominum improbitatem
coërcuit, is maximo eos affecit beneficio. At autor
civilis societatis E. Major porro probatur: Quicumque
ex pessimo animali optimum effecit, is maximo id af-
fecit beneficio. At qui lege & iudicio coërcuit &c.
is fecit ex pessimo optimum. Maj. est extra contro-
versiam. Min. probat. nam ad mala quævis ruebat
hominum genus, ut omnia alia animalia malitia
tantò facilius speraret, quantò plura & perfectiora
instrumenta à natura acceperat, quibus in contrarium
uti posset, nim. facultatem ad prudentiam & virtu-
tem, unde & malas artes invenire, & nomen virtu-
tis aliquando venditare poterat: vel, quod eodem
reedit, & idem Philosophus inculcat. *7. Eth. 6.* quia
in homine inest nocendi principium, i. e. ratio, per
quam tamen non nisi facultates naturales intelligi ma-
nifestum est: Iam vero insignem hunc abusum com-
pescit lex & iudicium, quibus virtutes præcipiunt,
& vitia puniuntur. Minor primi nostri syllogismi
probatur. Quia lex & iudicium in civitate locum
inveniunt, propterea quod iustitia, ut Aristot. ait, ci-
vile quid sit. Erat quidem cum *jurantis quisq. & uxori-
bus daret*, at hoc de istis quidem temporibus concess-
ero, quibus paucitas humani generis, & insignis sim-

plicitas viam nondum ad scelera quavis patefecerat,
quibusve non tam virtutis exercitio, quam vitiorum
ignoratione mortales felices erant. Nemo tamen
inficias ibit, quin ad exercitium virtutum plurimum
interfit, utrum homines in civitate, an in distinctis fa-
milijs & pagiseriam vivant. Adde quod iustitia uni-
versalis, quæ vim suam in sola civitate explicare po-
test, sit perfectissima virtus. *s. Ethic. 1. inf.* Quæcun-
que enim virtus non suo tantum possessori, sed alijs
etiam simul prodest, illa sine dubio est optima. A. ju-
stitia universalis. E. Quod si tot tantaque bona af-
fert civilis societas, eam profecto non ad Ethnicum
aliquem principem, aut Oratorem, sed ad Deum
Opt. Max. merito referimus; qui etiam, pro inge-
nio quidem populi, optimæ alicujus civitatis exem-
plar in gente Iudaica nobis exhibuit, ut adeo dubitare
non liceat, quin juxta Ciceronem *Principi illi Deo.*
qui hunc mundum regit, coetus hominum jure
sociati accepti sint & per-
quam grati.

TANTVM EST.





COROLLARIA.

I.

In omni bene constituta Republica maxime omnium habenda est ratio Civium Originariorum.

II.

Non est è re bonæ & vere civilis Reipublicæ, ut opimam uxores dotem afferant maritis.

III.

Posterius omnino tenentur ex conventionibus, quibus majores eorum se hujus aut illius potestati subjecerunt.

IV.

In Germanicis gentibus nunquam obtinuit plena Monarchia, quemadmodum nec hodie illa locum habet.

V.

Consuetudo, quæ mariti in aciem prodeuntes uxores suas secum circumducunt, est omni laude dignissima.

VI. Ame-

Americani non fuerunt tam servili ingenio & natura præditi, ut hinc crudelitatis suæ excusationem petere possint Hispani.

FINIS

